

蓬山子集
四

白雪之白

劉清源

白雪者不在雪。白又不專屬雪矣。夫雪自有雪之白也。而言白者不從雪起。白又豈專屬雪哉。且白謂生爲性。而言白者得混羽於雪矣。抑白謂生爲性。恐言白者不惟混羽於雪矣。何者。白之謂白。不必以白雪起。亦正不必以白雪止。將於雪而例舉之。能勿先即雪而還叩之也。擬羽之白於雪。白從羽生。齊雪之白於羽。白又從雪生。羽自羽而雪自雪。安得不就雪言雪。而曰雪之白。謂羽之白。如雪自於羽。見謂雪之白。比羽白。轉於雪。見羽有白雪。更有白。安得不就雪言白。而曰白雪之白。是故羽之白。麗於形。而雪之白。棄

乎氣言白者卽視羽猶雪究不得以白羽爲白雪也雪有雪之白
雪自有雪之性也羽之白附物當在而雪之白見晴卽消言白者
卽視雪猶羽仍不得以白雪爲白羽也白爲雪之白雪之白又別
有白之性也乃問夫白之謂白而其情變矣於雪見自有雪始白
以白當雪何白非雪意主於白而偶舉夫雪是非有取於雪中之
白而第有取於白中之雪也白在雪而見爲白白非雪而亦見爲
白恐雪中之白有定而白中之雪正無定所見者雪雪在卽白所
見者白白在卽雪論起於白而例及於雪是不以曰定天下之雪
而直以雪概天下之白也白爲雪而見爲雪白非雪而仍見爲雪

恐雪中之雪有窮而雪外之雪轉無窮而言雪者乃無事復言羽
矣。皓鶴奪鮮而雪不啻鶴之翎白。鷗失素而雪不啻鷗之翎白雪
之白。而子將謂猶白羽之白矣。而言雪者並不必復言雪矣。就雪
繪白。擬以瑤林瓊樹以白肖雪。賦就圓璧方理白雪之白。而子遂
謂猶白玉之白與。

心正水晶域。手如白雨點。

韓園

牛之性

劉清源

牛亦依然物也。則其性可覆舉矣。夫牛與犬異。而其性固猶是物之性也。而如以生爲性。生者又豈僅在乎且。天命謂性。欲其性之別於物也。命以坤之性爲順之命。以乾之性爲健斯其性不物於物。而且有以靈於物何也。爲其得坤之性以爲性。而非徒得坤之性以爲性也。而得坤之性則惟牛犬之性。猶牛犬犬爲一性。牛又爲一性。則不得謂牛之性卽犬性也。而何必不專言犬牛之性。且也牛之性別於犬。牛之性亦僅別於犬。則仍不得謂牛之性非物性也。而何能不轉計犬牛之性。謂牛有父子而或老或犢。不聞

其性之有親也。謂牛有夫婦而或牝或牡。不聞其性之有別也。謂牛有長幼朋友而或先或後。或羣或友。不聞其性之有序有信也。凡以其爲牛之性也。以其爲土之性而始係性於牛。則仍以牛視牛也。況牯牛角者。以之示仁而不必責其性之有仁也。執牛耳者。以之示義而不必責其性之有義也。啟牛毛動牛血者。以之示禮。示信而不必責其性之有禮有信也。所以別其性爲牛之性也。別其爲牛之性而不以牛概性。則仍以性視性也。而如曰生之謂性。將不以牛視牛也。而直以性視牛。以性視牛。則渾言性而牛已概。卽謂性之中皆牛可也。而何從別爲牛之性。且並不以性視性也。

而直以牛視性以牛視性則卽一牛而性可例雖謂牛之外無性可也而何止見爲牛之性噫天地之性人爲貴今而後有言性者不必問之人也其還問之牛也可

處處各得人字而題位不溢一絲可謂眼光出牛背上

介臣

考秦人之炙

劉清源

與甘食者言炙亦若以秦爲悅焉夫者豈獨在秦炙而者又何分
於秦炙秦炙可耆不且從其耆於秦乎且天下惟食色中人不知
理義之悅心也而正惟食色中人乃無不知習秦之悅日子曰秦
人之弟則不愛豈亦曰秦人之炙則不耆則以長爲悅子知悅生
於長而亦知其生於心乎不知悅生於心而仍與之言長子不悟
也且卽與之言悅而子仍不悟也則且易長而言炙則且易悅而
言耆則且易長楚人之長而言耆秦人之炙則且易長楚人之長
不僅長楚人之長而於不僅耆秦人之炙先言耆秦人之炙今夫

子以甘食爲性者也。以甘食爲性，卽以肴炙爲性。子有炙，子自肴。炙子之肴也。卽子之悅也。亦卽子之性也。子性中無楚人，何有於秦人？子性中無秦人，更何有於秦人之炙？况乎秦人者，尤吾子所不愛其弟者也。不愛其弟，豈猶愛秦人？不愛秦人，豈猶愛秦人之炙？秦人而有炙，將毋秦人者之秦人之弟者之而不復以我爲悅乎？而正不然。秦人先得我口之所嗜者也。秦人而有炙，非惟秦人嗜之。秦人之弟嗜之也。倘秦人不下逐客之令烹羊烹羔，秦人執爵於前，其弟執醕於後，吾知衆指而出者，方且飲乃口，鑒乃心，擊缶而呼曰：「秦之先養馬，汧渭間長馬之長也。於我乎？每食四簋，則

亦長人之長矣。而子嶺曰：彼耆而我老，見之非有耆於我也。而從其
炙於外與。

借矛刺盾，奇橫得未曾有。

笑岩

冬白

劉清源

義以時行可先驗之冬日焉夫時不必冬日也而時值冬日其亦
斯須之時乎曉季子曰義因時而制者也人性不能有仁而無義
天時卽不能有煥而無寒義制以時時運諸日古今來義之相因
而迭起者何日不轉移於時中是故時其庸馬者也而其見爲斯
須之時者一則爲冬日何則日不一日也日與日相遞嬗而忽至
於冬日則日者其庸而冬者其斯須耶日不皆冬也冬日與非冬
爲代謝而始有此冬日則非冬之日者其庸而冬日者其斯須耶
且夫冬日之時何時哉冬爲陰之慘一日感發而風寒二日栗烈

而氣寒在造物方迭出其水霜之威以相凌是亦時之太過也水
益壯矣澤腹堅矣撫斯時者必有義焉以制陰氣之太過而後可
以勝夫陰之擬也有如此冬日矣冬爲陽之復一之日而灰飛緹
室三之日而氣轉重泉在天地方深秘其陽和之機而未露是亦
時之不及也北風涼矣雨雪霏矣際斯時者必有義焉以輔陽氣
之不及而始可以養夫陽之穉也有如此冬日矣冬而烝與則冬
日見於廟想其時奉饗奠益衍烈祖者皆雍然而酬六廟之尸則
有時而敬叔父者惟此冬日卽有時而敬弟者亦惟此冬日冬而
蜡與則冬日貽諸鄉想其時擊鼓吹豳興蜡賓者皆歡然而洽一

目之澤則可以敬伯兄者惟此冬日即可以酌鄉人者亦惟此冬
日蓋自是而義出焉矣

脉理清真語無泛設中幅太過不及二義尤爲精到
笑翁

